

ELECCION 1991

REINA JUVENIL

*Awenochi 8'or,
12 beyeza lo bay
competi pa e ti-
tulo maximo di
Reina Juvenil di
Carnaval 37 y ta
den Stadion di
RCA na Solito.
Entrada 5 florin.*



GLORIA VEGA
1-- Juliana School



SHANINE GEERMAN
2-- Brazil



SHOHAIRA DA SILVA
3-- Dakota



LICSENNY GEERMAN
4-- Ailene's Fan Club



MARY-LEE NICOLAAS
5-- San Nicolas




NERISSA LACLE
6-- Paradera



UNDINA SCHWENGLE
7-- Tanki Leendert



MARYLAINE KOCK
8-- Santa Cruz



SANDRA YEE
9-- Mido Restaurant



VALERY HABIBE
10-- Oranjestad



MURIELLE ROOS
11-- Knock Out Org.



SONIA KOCK
12-- Holiday Inn



Ultimo dia di reinado di Joally Croes

Riba e pagina aki DIARIO ta presenta e candidatanan pa Eleccion Reina Juvenil di Carnaval pa awenochi. E eleccion lo ta den Stadion di RCA y ta cuminsa pa 8:00 p.m.

Entrada pa e certamen aki ta Afl. 5.-- general. Segun DIARIO a compronde di SAC, nan a baha e prijs debi cu aña pasa nan prijs tabata 7 florin.

E candidatanan cu lo participa ta Gloria Vega, Shanine Shomara Geerman, Shohaira da Silva, Licsenny Shurdina Geerman, Mary-Lee Yahayra Nicolaas, Nerissa Veronic Lacle, Undina Schwengle, Marylaine Angelle Kock, Sandra Yee, Valery Habibe, Murielle Roos, y Sonia Kock.

Carchi pa eleccion di awe a cuminsa worde bendi di ayeramain-ta caba na Oficina di SAC. Pa loko ta awe, lo cuminsa bende carchi na Oficina di SAC di 10:00 a.m., y lo stop di bende akinan pa 2:00 p.m.

E ora di 2:00 p.m. e mini-bentana na RCA lo habri pa bende carchi tambe.

Awenochi e Reina Juvenil di aña pasa, esta Joally Croes, lo baha corona pa un di e 12 reinanan aki.

Ta ser spera cu fanaticonan bay apoya nan reinanan como debe ser, y tambe pa acepta esun cu resulta ganador, ya cu ta decision di hurado e ta.

Seguramente e hurado di awenochi lo ta hendenan local, y corda cu ta e eleccion di Reina Grandi so lo consisti di turista.

Den otro informe, SAC ta participa na tur hende cu pa e Tumba Contest di Diabierna lo cuminsa bende carchi for di AWE caba na Oficina di SAC. Entrada pa Tumba Contest ta 12 florin.